

# Putra Foodbank bantu pelajar miskin

**Serdang:** Universiti Putra Malaysia (UPM) melancarkan Putra FoodBank bagi tujuan menyedia dan membekalkan makanan kepada pelajar golongan asnaf dan fakir miskin.

Melalui Putra FoodBank, pelajar yang dikenal pasti dan layak akan diberi makanan dalam usaha memastikan mereka dapat fokus kepada pembelajaran tanpa perlu memikirkan mengenai keperluan makanan mereka.

Naib Canselornya, Prof Datin Paduka Datuk Dr Aini Ideris berkata, UPM memberi keutamaan tinggi kepada pelajar yang kurang berkemampuan bagi memastikan kesejahteraan mereka dapat diper-

tingkatkan agar dapat fokus kepada pembelajaran.

"Penubuhan Putra FoodBank amat bertepatan dalam usaha kesinambungan bantuan kesejahteraan pelajar yang dilakukan UPM sebelum ini.

"Apa yang penting program ini adalah berterusan dan bukan bersifat *ad hoc* bagi memberi manfaat kepada lebih ramai golongan yang memerlukan termasuk golongan mahasiswa di pusat pengajian tinggi," katanya.

## **Bantuan sukarelawan**

Putra FoodBank dilancarkan oleh Menteri Perdagangan Dalam Negeri dan Hal Ehwal Pengguna (KPDNHEP), Datuk Saifuddin

Nasution Ismail, di sini, baru-baru ini.

Yang turut hadir, Ketua Setiausaha KPDNHEP, Datuk Muez Abd Aziz; Timbalan Naib Canselor (Hal Ehwal Pelajar dan Alumni) UPM, Prof Dr Mohd Roslan Sulaiman dan Yang Dipertua Majlis Perwakilan Pelajar (MPP) UPM, Muhammad Izzuddin Rosli.

Pelaksanaan Putra FoodBank itu dijalankan oleh sukarelawan dalam kalangan pelajar UPM sendiri dan diselia oleh Bahagian Hal Ehwal Pelajar.

Stok makanan kering dan basah akan dibekalkan oleh pembekal untuk penyimpanan serta pengagihan untuk kumpulan pelajar yang memerlukan.



**Saifuddin ketika merasmikan** Putra FoodBank di UPM baru-baru ini.